



，菩薩不著是心亦爲尊貴。

舍利弗更進言，非但一切智心無漏不繫，菩薩不應自高，所以者何？凡夫人心亦無漏不繫，性常空故；如聲聞，辟支佛，佛心無漏不繫，是凡夫人心實相性空。實相住空，清淨不著；又諸煩惱實相，與常性空心相無異，但住凡夫地中，是垢是淨；住聖人地中，修無相智慧故，無所分別；但憐愍衆生故，雖復說有，心無所著，非獨凡夫心無漏不繫，五衆乃至十八不共法亦如是。須菩提認可！

又舍利弗更進言：是心無心，心相空故不著。色中色相無故亦不著，乃至諸佛法亦如是。須菩提認可！以是故，菩薩能觀諸法性常空，不可得空，畢竟清淨。以是故，說阿耨多羅三藐三菩提心，無等等心，不共聲聞，辟支佛心，不念有是心，亦不著是心，能疾至阿耨多羅三藐三菩提。

爾時，富樓那彌多羅尼子白佛言：「世尊！我亦樂說所以爲摩訶薩。」

佛言：「便說。」

富樓那彌多羅尼子言：「是菩薩大莊嚴，是菩薩發趣大乘，是菩薩乘於大乘；以是故，是菩薩名摩訶薩。」

舍利弗語富樓那言：「云何名菩薩摩訶薩大莊嚴？」

富樓那語舍利弗：「菩薩摩訶薩不分別爲爾所人故，住檀波羅蜜，行檀波羅蜜；爲一切衆生故住檀波羅蜜，行檀波羅蜜；不爲爾所人故，住尸羅波羅蜜，行尸羅波羅蜜，羶提波羅蜜，毗梨耶波羅蜜，禪波羅蜜，般若波羅蜜；爲一切衆生故，住般若波羅蜜，行般若波羅蜜。菩薩摩訶薩大莊嚴，不齊限衆生，我當度若干人，不度餘人；不言我令若干人至阿耨多羅三藐三菩提，餘人不至；是菩薩摩訶薩普爲一切衆生故大莊嚴，復作是念！是當自具足檀波羅蜜，亦令一切衆生行檀波羅蜜；自具足尸羅波羅蜜，亦令一切衆生行尸羅波羅蜜；自具足般若波羅蜜，亦令一切衆生行般若波羅蜜。」

復次，舍利弗！菩薩摩訶薩行檀波羅蜜時，所有布施應薩婆若心，共一切衆生同向阿耨多羅三藐三菩提。是名菩薩摩訶薩，行檀波羅蜜時，檀波羅蜜大莊嚴。……如是，舍利弗！菩薩摩訶薩應薩婆若心，不取不得諸波羅蜜相，當知是菩薩摩訶薩大莊嚴。……是大莊嚴菩薩，十方佛歡喜，某世界某菩薩摩訶薩大莊嚴，成就衆生，淨佛世界。」

富樓那認是菩薩摩訶薩，欲破魔人煩惱賊故，行六波羅蜜以自莊嚴，是人無量劫久住生死，集諸福德，智慧以爲資糧，三種乘中爲趣大乘故，發心行六波羅蜜，乘是大乘。

聲聞，辟支佛雖行布施等六事，有量有限，自爲度身，及餘衆生可度者度，是故不名大莊嚴。菩薩所度，不分別，不齊限爲若干衆生，布施乃至智慧。不作是念：我度若干人令得三乘，不能度若干人；令若干人得阿耨多羅三藐三菩提，若干人不能度。菩薩作是莊嚴，令一切衆生盡入大乘作佛。菩薩行大莊嚴，自行檀波羅蜜，亦令一切衆生行檀波羅蜜，乃至般若波羅蜜亦如是。

大莊嚴者，爲度衆生故，如阿耨多羅三藐三菩提故，行諸善福功德者，畧說六波羅蜜。菩薩爲一切智慧故，行檀波羅蜜。是福德共一切衆生。共者，此布施福德，我及衆生共等。我以此同向阿耨多羅三藐三菩提。回向者，於此福德，不求人王、天王、世間禪定樂；爲衆生乃至涅槃樂，亦不求。持此果報，盡爲度衆生故求佛法。如是等相，是名檀波羅蜜大莊嚴。

是菩薩行布施時，若見諸辟支佛、阿羅漢現大神通，得漏盡，入涅槃，於中不貪不著，一心修佛道，是名檀波羅蜜生尸羅波羅蜜。布施時，有人惡口罵詛，刀杖毀害，所不愛乞者而強乞，不悔不瞋，入諸法相中，所謂畢竟空，是名檀波羅蜜生羶提波羅蜜。行布施時，和合財物，守護施彼，身心不懈不息，是名檀波羅蜜生毗梨耶波羅蜜。布施時，一心念佛，念諸佛法，不令聲聞、辟支佛心入，因是布施，即入禪定，是名檀波羅蜜生禪波羅蜜。布施時，菩薩作是念：施者，受者、財物，因緣和合生故無自性



，無自性故空，如幻、如夢。衆生空故，無受者，無施者，法空故，無財物，是名檀波羅蜜。般若波羅蜜。

菩薩爲一切智故，不取諸波羅蜜相，而能行諸波羅蜜，是名菩薩大莊嚴。比中一波羅蜜，徧生諸波羅蜜。攝衆生法，無過於檀，大小貴賤，乃至畜生，檀皆攝之；乃至怨家得施則爲中人，中人得施則成親善。諸佛三十二相，八十隨形好，諸功德具足，所願如意，皆從布施得。六波羅蜜一時莊嚴，能破諸煩惱魔人賊，疾得阿耨多羅三藐三菩提。以是故，說一波羅蜜中具諸波羅蜜。十方諸佛稱名讚歎，成就衆生，淨佛世界。

舍利弗問富樓那：「云何菩薩摩訶薩發趣大乘？」

富樓那語舍利弗：「菩薩摩訶薩行六波羅蜜時，離諸欲，離諸惡不善法，有覺有觀，離生喜樂入初禪。乃至入第四禪中，以慈廣大，無二，無量，無怨、無恨，無惱心行，徧漏一方，二、三、四方，四維上下，編一切世間、悲、喜、捨心，亦如是。是菩薩入禪時、起時，諸禪、無量心及枝，共一切衆生，回向薩婆若，是名菩薩摩訶薩禪波羅蜜發趣大乘。是菩薩摩訶薩住禪無量心，作是念：我當得一切種智，爲斷一切衆生煩惱故，當說法，是名菩薩摩訶薩行禪波羅蜜時檀波羅蜜。……若菩薩摩訶薩應薩婆若心，四禪及枝，視無常相，苦相、無我相、空相，無相相、無作相，共一切衆生回向薩婆若，是名菩薩摩訶薩行禪波羅蜜時般若波羅蜜。是菩薩摩訶薩發趣大乘。」

菩薩摩訶薩行慈心，作是念：我當安樂一切衆生；入悲心，我當拔濟一切衆生；入喜心，我當度一切衆生；入捨心，我當令一切衆生得諸漏盡。是名菩薩摩訶薩行無量心時檀波羅蜜。……菩薩摩訶薩入禪、入無量心時，亦不隨禪，無量心生，是名菩薩摩訶薩行無量心時，方便般若波羅蜜。是名菩薩摩訶薩發趣大乘。

菩薩摩訶薩發趣大乘，一切種修四念處，乃至一切種修八聖道分；一切種修三解脫門，乃至十八不共法；是名菩薩摩訶薩發

趣大乘。……菩薩摩訶薩發趣大乘智，不行世間法，不行出世間法；不行有爲法，不行無爲法；不行有漏法，不行無漏法，亦非不知世間法、出世間法；有爲、無爲、有漏、無漏法。用無所得故，是名菩薩摩訶薩發趣大乘。」

發大莊嚴，無有衆生能破壞者，若菩薩無禪定，心未離欲，雖行餘波羅蜜則易壞；行禪波羅蜜，能入慈無量，是時無能壞。入禪波羅蜜中，能生慈無量。

四無量心。取衆生相，緣衆生。菩薩常爲衆生故行道，是四無量等中有慈悲心，能利益衆生；除八背捨、九次第定等，無如是利益。若菩薩但行四無量心，不名發趣大乘；六波羅蜜和合故，名爲發趣大乘。

一切種修四念處乃至十八不共法者，有二種：信行性、法行性。信行性觀無常苦，或但觀無常、或但觀苦；法行性人觀空、無我，或但觀空，或但觀無我。菩薩度衆生故，一切門皆修學。

發大乘者，以十八空破十八種法，亦捨是十八空智慧，復次，菩薩觀諸法常定，亦不取定相，是名不定不亂智慧。復次，畏墮常、樂顛倒故，不觀諸法常、樂等；畏墮斷滅故，不觀無常等。復次，若菩薩三世、三界中智慧，不觀，不行，不取相，知皆虛妄而不墮無明。復次，世間、出世間中，亦非智、非不智；非智者，空故，無定相故，畢竟清淨故；非不智者，觀無常、苦、空等，入般若波羅蜜空故，非不行智，不行者，遮見，斷法愛，離依止故。無非智者，是中無愚癡，異於凡夫故，又行者，持戒、修禪定，習諸觀，云何言非智，如佛利衆生經中說：

行者捨諸法 亦不依止慧

亦無所分別 是爲決定智

(完)